

Na osnovu člana 13. Zakona o organizaciji i nadležnostima kantonalnih organa uprave i upravnih organizacija („Službeni glasnik Unsko-sanskog kantona“, broj: 9/13), i člana 43. Zakona o izvršavanju Budžeta za 2021. godinu („Službeni glasnik Unsko-sanskog kantona“, broj: 10/21), a na osnovu Odluke Vlade Unsko-sanskog kantona broj: 03-017-3203/2021 od 24.6.2021. godine Ministarstvo obrazovanja, nauke, kulture i sporta raspisuje

**JAVNI POZIV**  
**za raspodjelu sredstava tekućeg granta – Grant za mlade za 2021. godinu iz Budžeta**  
**Unsko-sanskog kantona**

Član 1.

Sredstva tekućeg granta – Granta za mlade za 2021. godinu osigurana u Budžetu Unsko-sanskog kantona dodjeljuju se za programe i projekte od interesa za mlade.

Član 2.

Pravo učešća na javnom pozivu imaju udruženja, mediji, ustanove i druga pravna lica koja se bave pitanjima mladih na području Unsko-sanskog kantona, registrovana kod nadležnog Ministarstva Unsko-sanskog kantona, kao i neprofitne organizacije koje su registrovane u skladu federalnim zakonima, kao i zakonima Bosne i Hercegovine koja imaju sjedište na području Unsko-sanskog kantona, i koja obavljaju djelatnost i implementiraju projekte od interesa za mlade na području Unsko – sanskog kantona.

Član 3.

Sredstva se dodjeljuju za projekte od interesa za mlade koji se odnose na:

1. rad, zapošljavanje i preduzetništvo mladih
2. obrazovanje i nauka mladih
3. socijalna briga mladima
4. sigurnost mladih
5. kultura i sport mladih
6. aktivizam (učesće,volontiranje i mobilnost) mladih

Član 4.

Odabir programa i projekata vršit će se u skladu sa usvojenim općim i posebnim kriterijima.

**1. Opći kriteriji koji se primjenjuju na sve korisnike predviđenih sredstava su slijedeći:**

- a) da se projekt implementira na području Unsko-sanskog kantona i u interesu mladih Unsko –sanskog kantona, te da doprinosi stvaranju pozitivnog imidža Kantona,

- b) da projekti imaju za cilj poboljšanje života mladih, promovisanje volonterizma i timskog rada,
- c) da su originalni, zanimljivi i korisni projekti koji podstiču mlade da se uključe i budu aktivni članovi sredine u kojoj žive,
- d) da su projekti koji odgovaraju lokalnim potrebama i imaju uticaj na lokalnu zajednicu,
- e) da potiču mlade na demokratiju, toleranciju i ravnopravnost spolova,
- f) da su projekti koji se odnose na kreativno izražavanje (književnost, likovna umjetnost, muzika, ples, umjetnička fotografija, film i sl.),
- g) da su projekti u oblasti društvenog života i slobodnog vremena mladih,
- h) da su projekti od uticaja na prevenciju ovisnosti i promociju zdravog života, sporta i slično,

## **2. Posebni kriteriji za programe i projekte mladih su:**

- a) Programi i projekti koji afirmišu aktivnosti na organizacionom jačanju asocijacija i organizacija mladih,
- b) Kvalitet kandidiranih programa i projekata, dugogodišnji kontinuitet i značaj za širu društvenu zajednicu,
- c) Programi koji afirmišu stvaralaštvo i učešće mladih na kongresima mladih, smotrama i takmičenjima u oblasti kulture, sporta i tehničke kulture,
- d) Edukacijski programi koji pospješuju aktivnosti, razvijanje organizacijskih sposobnosti i učešće mladih u javnom životu,
- e) Dosadašnji uspjesi na domaćem i međunarodnom planu,
- f) Podrška programima i projektima, koji imaju potporu lokalne zajednice i osigurano sufinansiranje.
- g) Programi i projekti asocijacija i udruženja koja u svojim upravljačkim strukturama imaju 2/3 mladih ( čl. 4. Zakona o mladima FBiH ),
- h) Programi i projekti medijske promocije tema i aktivnosti od značaja za mlade,
- i) Programi i projekti asocijacija i udruženja kantonalnog nivoa.

Način bodovanja će se utvrditi posebnim aktom koji donosi Komisija.

### **Član 5.**

Prije donošenja konačne odluke o odabiru, Komisija zadržava pravo zatražiti dodatna pojašnjenja projekta od aplikanta.

Aplikanti koji nisu ispunili formalno-pravne uslove, odnosno čije su prijave u suprotnosti sa članom 6. ovog Javnog poziva i aplikanti čiji projekti, u skladu sa stručnom ocjenom Komisije, nisu odobreni za financiranje iz sredstava tekućeg granta- Grant za mlade bit će o tome pismeno obaviješteni .

Protiv obavijesti iz stava 2. ovog člana aplikanti mogu podnijeti prigovor Ministarstvu obrazovanja, nauke, kulture i sporta u roku od 3 dana od dana prijema obavijesti.

O prigovoru odlučuje ministar Ministarstva obrazovanja, nauke, kulture i sporta.

Odluka o prigovoru je konačna.

#### Član 6.

Podnosioci zahtjeva dužni su dostaviti slijedeću dokumentaciju kako bi dokazala ispunjavanje uslova:

1. Rješenje o upisu u Registar udruženja kod Ministarstva pravosuđa i uprave Unsko – sanskog kantona ili drugog nadležnog organa u Federaciji Bosne i Hercegovine ili Bosne i Hercegovine iz kojeg je vidljivo sjedište udruženja na području Kantona i djelatnost usmjerene u oblast od interesa za mlade ili za pravna lica Rješenje o upisu u sudski registar.
2. Uvjerenje o poreznoj registraciji, odnosno ID broj (izdaje Porezna uprava KPU USK),
3. Potvrdu banke o transakcijskom računu i karton deponovanih potpisa iz banke osoba odgovornih za financije,
4. Registrirani samostalni umjetnici dostavljaju potvrdu o statusu samostalnog umjetnika (dokumentaciju od 1-3 ne odnosi se na samostalne umjetnike) i potvrdu banke o otvorenom transakcijskom računu.
5. Izuzetno navedenu dokumentaciju nisu u obavezi dostaviti ustanove kojima je osnivač Unsko-sanski kanton.

Svi dokumenti se prilažu u originalu ili ovjerenj kopiji koja ne smije biti starija od 3 mjeseca računajući od dana objavljivanja javnog poziva.

Projekat (ovjeren i potpisan od strane podnosioca) se dostavlja na posebno propisanom obrascu.

Neće se uzeti u razmatranje projektni prijedlozi aplikanata čiji administrativni troškovi (režije, telefonski troškovi, uredski materijal, bankovni troškovi, usluge knjigovodstvenog servisa, najam ureda i slično) na projektu prelaze 40 % ukupnog budžeta

Projekti aplicirani od strane pravnih lica koji nisu registrirani kod Ministarstva obrazovanja, nauke, kulture i sporta u skladu sa Zakonom o informisanju čiji osnivač nije Skupština Unsko-sanskog kantona neće biti podržani.

#### Član 7.

Prijava za dodjelu sredstava odnosno financiranje/sufinanciranje projekata, posebno za svaki predloženi projekat, podnosi se na posebnom obrascu koji se preuzima sa stranice Ministarstva [www.vladausk.ba](http://www.vladausk.ba), ovjerenom i potpisanom od strane odgovorne osobe i koji mora sadržavati:

1. informacije o podnosiocu projekta (naziv aplikanta, odgovorna osoba, kontakt osoba za realizaciju projekta, telefon)

2. naziv projekta (ne više od 8 riječi),
3. lokaciju implementacije projekta,
4. ukupan budžet projekta i izvore financiranja,
5. sažetak projekta,
6. opći cilj i specifične ciljeve projekta,
7. relevantnost projekta,
8. očekivane rezultate,
9. projektne aktivnosti po fazama i vremenski okvir,
10. održivost projekta,
11. partnere na projektu (ukoliko ih ima),
12. budžet projekta (Aneks 1),
13. detalje o sufinanciranju (ukoliko postoje vlastiti ili drugi izvori financiranja)
14. opis organizacije aplikanta,
15. broj žiro računa i naziv banke kod koje je otvoren račun.

Svi aplikanti po javnom pozivu mogu dostaviti samo jedan projektni prijedlog.

#### Član 8.

Obrazac za prijavu projekta sa budžetom i obavezna dokumentacija, trebaju biti dostavljeni na način da su isti uvezani i poredani prema redoslijedu.

Projekti se dostavljaju u zatvorenoj koverti (A4 format) sa naljepnicom na koverti (umjesto adrese zaljepljen popunjen obrazac aplikanta koji se nalazi na web stranici Ministarstva: [www.vladausk.ba](http://www.vladausk.ba).)

#### Član 9.

Neće se uzeti u razmatranje prijave aplikanta dostavljene po javnom pozivu:

1. koje su neblagovremene (dostavljene nakon proteka roka određenog javnim pozivom),
2. koji ne dostave kompletnu dokumentaciju koja se traži javnim pozivom,
3. koji dostave projekte usmjerene na oblasti suprotno onim koje su određene u javnom pozivu,
4. koji ne razrade projekat u skladu sa članom 7. ovog Javnog poziva,
5. koji za svaku stavku nabavki iz Budžeta projekta veću od 2.000,00 KM ne prilože predračun.
6. koji su prethodnih godina dobili sredstva od ovog Ministarstva, a nisu ispunili obavezu pravedanja i izvještavanja.
7. neprofitnih organizacija čiji administrativni troškovi (režije, telefonski troškovi, uredski materijal, bankovni troškovi, usluge knjigovodstvenog servisa, najam ureda i slično) na projektu prelaze 40 % ukupnog budžeta projekta.

Član 10.

Prijave dostavljene nakon isteka roka iz Javnog poziva vraćaju se aplikantu ne otvorene, a sve ostale prijave zajedno sa pratećom dokumentacijom ne vraćaju se aplikantu.

Član 11.

Popunjenu, potpisanu i ovjerenu prijavu sa svim potrebnim priložima naznačenim u Javnom pozivu slati na adresu: Ministarstvo obrazovanja, nauke, kulture i sporta Unsko-sanskog kantona, Alije Đerzeleza broj 6 Bihać, sa obaveznom napomenom: **Prijava na Javni poziv – ne otvaraj.**

**Rok za podnošenje prijava je petnaest (15) dana od dana objave Javnog poziva.**



Ministar  
Almin Hopovac, prof.

Broj: 10-11-7121-1/21  
Bihać, 2.7.2021. godina